



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-540/20
Sarajevo, 07.04.2020.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Jasmine Bišćević - Tokić, dostavlja se,-

VEZA: Vaš akt broj: 01-05-41335-106/19 od 26.11.2019. godine

Vašim aktom broj i datum veze, dostavljeno je zastupničko pitanje zastupnice Jasmine Bišćević – Tokić i to:

“Koji su kriteriji za izbor članova komisija pri ministarstvima Kantona Sarajevo, te da li osobe koje su penzionisane mogu biti članovi istih?”

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje aktom Uprave policije broj: 02/5-1-29/20 od 30.01.2020. godine.

U vezi sa navedenim, ujedno Vas obavještavamo da su kriteriji za izbor članova komisija u Ministarstvu unutrašnjih poslova Kantona Sarajevo obavezna struka zaposlenika i poslovi koje zaposlenik obavlja, te da penzionisane osobe nisu članovi komisija ovog Ministarstva.

Prilog:

- Akt Uprave policije,
- CD;

Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



30 - 01 - 2020
248/20

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/5-1-29/20
Dana: 30.01.2020. god.

MUP KANTONA SARAJEVO
KABINET MINISTRA
-n/r sekretara-

PREDMET: Odgovor na poslaničko pitanje, dostavlja se,-

Veza: Vaš akt broj: 01-07-02-2-540/20 od 28.01.2020.godine

Vašim aktom broj i datum veze, dostavljeno je poslaničko pitanje zastupnice Jasmine Bišćević-Tokić koje je postavila na Petnaestoj radnoj sjednici Skupštine Kantona Sarajevo održanoj dana 19.11.2019.godine i to: Upućujem zastupničko pitanje Vladi Kantona Sarajevo koji su kriteriji za izbor članova komisije pri ministarstvima Kantona Sarajevo, te da li osobe koje su penzionisane mogu biti članovi istih?

U vezi sa navedenim dostavljamo Vam odgovor na poslaničko pitanje kako slijedi:

-U Upravi policije Ministarstva unutrašnjih poslova Kantona Sarajevo vrši se formiranje komisija na osnovu niza zakonskih i podzakonskih propisa shodno djelokrugu rada navedene Uprave. Formiranje i sastav određenog broja komisija je decidno propisano određenim zakonima ili provedbenim propisima, dok se druge komisije formiraju radi izvršavanja pojedinih stručnih, složenijih poslova i zadataka ili koji zahtjevaju zajednički rad zaposlenika različitih profila dviju ili više organizacionih jedinica.

-Zakonom o policijskim službenicima Kantona Sarajevo ("Službene novine Kantona Sarajevo", broj: 38/18 i 26/19), propisano je formiranje četiri komisije (Komisiju za izbor koja provodi proceduru po javnom konkursu koji se odnosi na zapošljavanje policijskih službenika u činu policajac i činu mlađi inspektor, Komisija za unapređenje policijskih službenika, Disciplinska komisija i Komisija za utvrđivanje materijalne odgovornosti policijskih službenika). Prema propisanom sastavu pobrojanih komisija u dvije komisije postoji mogućnost da se u sastavu tih komisija nalaze osobe koje su penzionisane i to u Komisiji za izbor i Komisija za unapređenje policijskih službenika.

-U određenim podzakonskim propisima čije donošenje propisuje Zakon o policijskim službenicima Kantona Sarajevo ("Službene novine Kantona Sarajevo", broj: 38/18 i 26/19), također se definiše formiranje komisija za obavljanje određenih poslova i zadataka, te nije propisana mogućnost da u sastavu tih komisija uđu osobe koje su penzionisane.

-Zakonom o nabavljanju, držanju i nošenju oružja i municije ("Službene novine Kantona Sarajevo", broj: 1/18, 13/18 i 30/19) propisuje se formiranje određenih komisija u okviru Ministarstva unutrašnjih poslova Kantona Sarajevo i Uprave policije i to komisije koje se formiraju u okviru policijskih uprava, Komisija za uništenje oduzetog oružja i municije, Komisija Ministarstva unutrašnjih poslova Kantona

Sarajevo za provođenje obuke i polaganje ispita o poznavanju propisa koji se odnose na držanje, čuvanje i nošenje vatrenog oružja i Komisija za nadzor nad provođenjem i primjenom Zakona o nabavljanju, držanju i nošenju oružja i municije, te nije propisana mogućnost da u sastavu tih komisija uđu osobe koje su penzionisane.

-U Upravi policije MUP-a KS policijski komesar formira komisije za nabavku shodno odredbama Zakona o javnim nabavkama ("Službeni glasnik BiH", broj: 39/14) i Pravilnika o uspostavljanju i radu komisije za nabavke ("Službeni glasnik BiH", broj: 103/14), kojim se definiše da ugovorni organ imenuje komisiju iz reda svojih zaposlenika, te može imenovati dio članova komisije koji nisu zaposlenici ugovornog organa.

-Ovlaštenje policijskog komesara za formiranje komisija radi izvršavanja pojedinih stručnih, složenijih poslova i zadataka ili koji zahtjevaju zajednički rad zaposlenika različitih profila dviju ili više organizacionih jedinica je sadržano u članu 23. stav (3) tačka k) Zakona o unutrašnjim poslovima Kantona Sarajevo ("Službene novine Kantona Sarajevo", broj: 38/18 i 26/19) u kojem se navodi da policijski komesar obrazuje stručne komisije i odgovarajuća radna tijela. Kriteriji za članstvo u navedenim komisijama nisu posebno propisani, te se vodi računa da se članovi komisije određuju shodno specifičnim poslovima i zadacima komisije.

S poštovanjem,

**POLICIJSKI KOMESAR**
Generalni inspektor policije
Naim Šelimać